

# פרק לח

- {א} מזמור לדוד להזכיר:
- {ב} יהוה אל בקצף תוכיחני ובהמתך תיסרני:
- {ג} כי חציך נחתו בי ותנחת עלי ידך:
- {ד} אין מתם בבשרי מפני זעמך אין שלום בעצמי מפני הטאתי:
- {ה} כי עונתי עברו ראשי כמשא כבד יכבדו מפני:
- {ו} הבאישו נמקו חבורתי מפני אולתי:
- {ז} נעויתי שחתי עד מאד כל היום קדר הלכתי:
- {ח} כי כסלי מלאו נקלה ואין מתם בבשרי:
- {ט} נפוגותי ונדכיתי עד מאד שאגתי מנחמת לבי:
- {י} אדני נגדך כל תאותי ואנחתי ממך לא נסתרה:
- {יא} לבי סחרחר עזבני כחי ואור עיני גם הם אין אתי:
- {יב} אהבי ורעי מנגד נגעי יעמדו וקרובי מרחק עמדו:
- {יג} וינקשו מבקשי נפשי ודרשי רעתי דברו הוות ומרמות כל היום יהגו:
- {יד} ואני כחרש לא אשמע וכאלם לא יפתח פיו:
- {טו} ואהי כאיש אשר לא שמע ואין בפיו תוכחות:
- {טז} כי לך יהוה הוחלתי אתה תענה אדני אלהי:
- {יז} כי אמרתי פן ישמחו לי במוט רגלי עלי הגדילי:
- {יח} כי אני לצלע נכון ומכאובי נגדי תמיד:
- {יט} כי עוני אגיד אדאג מחטאתי:
- {כ} ואיבי תיים עצמו ורבו שנאי שקר:
- {כא} ומשלמי רעה תחת טובה ישטנוני תחת (רדופי) רדפי טוב:
- {כב} אל תעזבני יהוה אלהי אל תרחק מפני:
- {כג} חושה לעזרתי אדני תשועתי: